



Шогшо эл, порылык да гим берг!

Будь готов/

ЯМДЕ ЛИЙ

1933 ий 1 февраль годсек лектеш.

0+

Пайдаже шудыр наре

ПОДПИСКЕ

«Ямде
лий» газетлан
почтышто
возалташ
леш.

Мо тыгай «Ямде лий»? Тиде йолташ, полышкалыше, ушым пудыраташ полшышо газет да молат. Тудым йоча-влак кажне кугарнян куанен вучат. Теве Кужэнгер район Руш Шой школышто тунемше-влак (**снимкыште шолаште**) йоча газетым урокышто кучылтыт. Советский район Кодам школышто «Кодам ўжара» сылнымут да краеведений кружокыш кошшо Юля Васиярова ден Эвелина Яковлевалан (**снимкыште пурлаште**) «Ямде лий» сылнымут корныш шогалаш полша. А Морко район Купсола школ гыч Наташа Токунова (**кўшыл снимкыште**), йоча газетым лудын, марла чын кутыраш тунемеш. Тугеже ончалза, «Ямде лий» газетын пайдаже мыняре! Тудым кажне школ, кажне мари йоча налшаш!

Ак - 363
тенгеат 18
ыр.
Индекс -
П4696.

Электрон подпискылан
89027382237 номерышке 150
теңгем пыштыман да
yamde_lii@mail.ru адресыш
лўмнердам возен
колтыман.

podpis-
ka.pochta.ru
сайтыш пурман
да газетлан
возалтман.

Рекламе.



Е.ИВАНОВА ден
Х.АЛЕКСАНДРОВАН фотошт.

Чолгалык сенымашым конда



Татарстан Республик Актаныш район Йүштө Памаш школын 8-ше классыштыже шинчымашым погышо Аннетта Галиевалан (снимкыште) йылме-влакым тунемаш келша. Тиде тунемме идалыкыште марий, руш, татар йылмыла дене районысо олимпиадылаште сеныше-влак радамыш лектын. Марий йылме да литератур дене республикысе олимпиадыштат ойыртемалтын.

– Школна «Этнопарк» проект почеш пашам ышта. Тудо түрлө кружок ден секцийым уша. Мутлан, мый «Ший памаш» калык ансамбльыште мурен-куштем. Волейбол дене модам.

«Телевидений» кружокыш коштам. Школ ылыш дене палдараш манын, ме материалым ямдылена да эфирыш луктына. Краеведений дене кылым кучем. Школ тоштерлан уверым погена. Чолгалык сенымашым конда, – ойла Аннетта.

Х.АЛЕКСАНДРОВА.

Фотом еш архив гыч налме.

Ковамлан полшем

Ковам шкенан ялыштак, Купсолаште, ила. Ынде шукертак – сулен налме канышыште. Ёмыржө мучко колхозышто тыршен. «Тунам пашаике изижат, кугужат лектын».



Эн куанле пагытше шудо жап лийын», – шарналта ковам. Лишыл егемлан кажне кечын полшаш коштам. Ковам мыйым ужешат, «Волонтёрем толеш аман» манын, тупем гыч вучкалта.

Костя ГРИГОРЬЕВ.

Морко район.

Хорышто муренна

Мыланна, республикысе сымиктыш школлаште тунемше ўдыр-рвезе-влаклан, Всемарийский йоча хорышто мураш – кугу пиал! Сенымаш кечылан пө-леклалтше концерт 8 майыште Э.Сапаев лүмеш Марий кугыжаныш опер да балет академический театрыште эртаралтын. Упшер школ гыч кудытын лийынна, Приволжский школ гыч нылытын миенит. Ме индеш руш мурым да кок марий мурым йонгалтаренна. Кажнылан таумутым кучыктенит.

Саша СТЕПАНОВА.

Волжский, Упшер.

Вашке – кужу каныш

Вашке тунемме идалык иктешлалтеш. Нылымше чырыкым сайын тунем пытараш шонем. Вара – кужу кенеж каныш. Тудым пеш чот вучем. Авам мыйым Йошкар-Олашке экскурсий дене нангаяш сөрен. Мотор рүдолам ончал савырнаш кумыл уло.

Ангелина МОЧАЛОВА.
Советский, Ёрша.

Роспотребнадзораын Марий Эл Республикысе управленийжын увертарымыж почеш, 153 еным пудий пурлын. Тышеч 53-шо – 14 ийым темыдыме йоча.



Пүртүсыш лекмыда годым түткө лийза! Мөнгө пörтылмеке, ўмбал вургемдам тергыза.

Российысе увер

12-17 ияш ўдыр-рвезе-влак, видеоролик-влакым войзен, «I AM A VIDEO MONSTER» всероссийский йоча конкурсыш ушнен кертыт. Видео 3 минут наре шуйнышаш. Пашам 25 май марте videomonster@anastasiafond.ru адрес дене электрон почтыш колтыман.

Москосо Дарвиновский кугыжаныш тоштер «Не скучаю вместе с папой» всероссийский фотоконкурсым увертарен. Тушко кажне кумулан ен ушнен кертеш. Фотом 9 июнь марте колтыман.

Марий Эл Республикысе школ-влак «Российысе эн сай школ – 2021» всероссийский конкурсыш ушнен кертыт. Йодмашым 9 сентябрь марте пуыман. Тұрыс уверым shkolagoda.menobr.ru сайтыште ончыман.

Марий Элысе увер

«Марий Чодыра» национальный паркыште кушшо Пугачёвын тумыжо «Российын идалыкысе пуштыгыже – 2021» лүмым налын кертеш. rosdrevo.ru сайтышке пурен, 1 август марте йўклаш лиеш.

Т.Евсеев лүмеш Национальный тоштер ден Йоча да самырык-влаклан «Роза ветров» рүдер 11-18 ияш ўдыр-рвезе-влакым «Малые Евсеевские чтения» краеведений конференци-йышке ушнаш ўжит. Йодмашым 1 октябрь марте колтыман.

«Интеллектуал» тұвыра да увер рүдер «Порылык шўмыштем тұгалеш» сўрет конкурсым эртара. Тушко 3-18 ияш ен-влак ушнен кертыт. Пашам 22 май марте налыт. Тұрыс уверым mari-arslan.ru сайтыште лудса.



Сай книгам
лудмаш -
ушан айдеме дене
кутырымо дене
иктак.

Л.Н.Толстой.

Илыш ончыко кайыме дене сылнымутан произведений-влакым лудаш гына огыл, колышташат лиш. Умаште «ТвойО» радион тўн редакторжо Анна Тараткина (снимкыште) «ТвойО театральное Радио» проектым илышыш шындараш тўгалын. Тидын нерген проектын авторжо дене мутланышна.

– Анна, тыгай проектым возаш мо таратен?

– Посёлкышто, олаште илыше самырык ен-влак марий йылмым начар палат. Марий сылнымутан произведений-влакым огыл луд. Мый марий сылнымутым шымлаш тўналынам. Тудын дене палыме лият гын, моткоч онай, сылне. Кызытсе автор-влакын пашашт шкешотан да виян улыт. Нуным радио-пьесыш савырена. Подкаст-влакым йочасадыште, школышто колыштыкташ лиш.

– Марий сылнымутым йўкандаш кў полша?

– Командыштына Марий кугыжаныш университетыште журналистлан тунемше, марий йылмым палыше студент, марий да руш йылмылам туныктышо-влак улыт. Мыйын шонымаште, проектлан кўра нуным

профессионал мастарлыкышт кушкеш. Литератур йылме дене возымо произведений-влак йылмыштым пойдарат.

– Радио-пьесыда-влакым рушла да марла колышташ лиш. Марий произведений-влакым кў кусара?


– Ме произведений-влакым огына кусаре. Тиде пеш кугу да неле паша. Ме кок йылме дене савыкталтше сылнымут паша-влакым ойырена. Умаште республикнан 100 ияш лўмгечыжлан пўлеклалтше ятыр антологий лектын. Нуным кучылтына.

– Кўн произведенийжым йўкан-денда?

– Валерий Бердинскийын, Анатолий Филипповын, Ма-

рия Илибаеван, Светлана Бессонован да моло автор-влакын произведенийыштым лудынна. Ме кызытсе серызе-шамычын пашаштым ойыраш тыршена. Тыгак произведенийын кугытшым, сюжетшым, сылнылыкшым, мыняр герой улмым шотыш налына.

Х.АЛЕКСАНДРОВА мутланен.
Фотом еш архив гыч налме.



Радио-пьесе-влакым «ВКонтакте» соцкылысе «Радио ТвойО» тўшкаште (<https://vk.com/tvoyoradio>) колыштын кертыда.

#У_мутым_тунемына

Книгли – А2 форматан ик лаштыкеш савыктыме книга. Тыгодым тўрлў тўсан шрифты дене иктаж-могай сўрет шочеш. Тыгай книгагым Киев гыч Анна Белая ден Дмитрий Костыренко шонен луктыныт. Ик лаштыкыш 200-300 страницан книга пура. Ик корнын кужытшо – южгунам ик миллиметр дечат изирак.

Буккроссинг – книгагым кид гыч кидыш, сурт гыч суртыш, лудшо деч книгагудыш але мўнгешла пуымаш. Лудмеке, книгагым паркыште, кафеште, поездыште але вес вере кодат. Кажне кумылан еш налын лудын кертеш.

Палаш онай

1037 ийыште Ярослав Мудрый Киевцысе Софийский собор пелен Росийыште икымше книгагудым почын.

Тўнямбалне печатлыме эн кужу предложенийым Виктор Гюгон «Отверженные» романыштыже муаш лиш. Тўдо 832 мут гыч шога. Романым 60 йылмыш кусарыме.

«Сборник морских правил» книга тўнямбалне эн кугулан шотлалтеш. Тўдо Амстердамысе тоштерыште аралалтеш. Книгагым кўжытшыш – 2 метр, лопкытшо – 1 метр, кўжытшыш – 1,5 метр.

Башкортостан Республикасы Нефтекамск оласе 7-ше номеран йочасадыш коштшо ўдыр-рвезе-влакым шочмо марий йылмым йораташ туныктат, марий тўвыра дене палдарат. Воспитатель С.А.Иштубаева изи йочан

кумылжым савыраш тўрлө йөнум кучылтеш.

– Ме марий йомакым эре лудына, модынат ончыктена. Йоча-влак йо-

мак гоч порылыкым осал деч ойыраш, йолташым аралаш, пагалаш тунемыт. Модыш гоч уш-акылтым пойдарат, – ойла Светлана Алексеевна. – Марла мероприятийым эртараш ава, кова-влак полшат. Персонаж-влаклан чиემым шке ямдылат. Шукерте

Марий йомакын вийже



огыл «Шудышырчык ден Мерат» йомакым модын ончыктена. Йоча-влак марла кучытеныт, совла да тўмыр дене марий семым луктыныт.

Йочасадыште марий модыш касым, марий тувыр, марий кочкыш кечылам эртарат. Мероприятий гочдым калык йўла дене палдарат, ончерым

келыштарат. Икшыве-влакын ковашт марий тўр, марий вургем нерген каласкалат. Уныкашт-влак марий калык дене кугешнышт манын тыршат.

Е.ИВАНОВА.

Фотом йочасадын архивше гыч налме.

#Лончылена

Лудмо почеш

Надежда Ялкайнын «Йомак семын» ойлымашыже («Ямде лий», 2021 ий 13 март) тўрлө шонымашым шочыкта. Ик велым, кован да уныкан йоратымашышт, чаманымашышт шижалтыт. Вес велым, вольыкым ончен моштымо нерген ойлалтеш. Натуш суртвольык деке поро кумылан лийын. Изи ўдырлан, энгегыш логалмекеже, чылан полшат.

Таня ТИМОФЕЕВА.

Морко, Коркатово.

Рожкин тукум

Поэт-земляк Василий Рожкин, Улат эреак пеленна. Ме таче, уло шўм-чон почын, Тылат тыге товатлена:


Кодам кундемым да школнажым
Ме йораталын илена.
Шўм-чон пояндыкшым да ямжым
Эре мокташ тўнгальна.

Ме шочмо йылмым,
сылнымутым
Эше пояным ыштена.
Ме улына вет Рожкин тукум,
Поэзий корным шуена!

З.А.БЕЛЯЕВА, марий йылмым да литературы тунуктышо.
Советский, Кодам.

Кроссворд

Чыла йодышлан чын ваимутым пуэда гын, калык ойпогын ик жанржым пален налыда.



1. Н. Еремеевын псевдонимже.
2. В. Юксернын ачалўжжө.
3. И. Тарьяновын псевдонимже.
4. Г. Матюковскийн лўддымө рвезе нерген поэмыже.
5. Н. Мухинын шыже тылзе нерген почеламутшо.
6. М. Якимовын шочмо вер нерген почеламутшо.
7. В. Юксернын «Атаманыч» повестыше гыч тўн герой.

София ЕФИМОВА.

Морко, Эгерсола.

Патыр Онар

Марий йомак-влак йоча-шамычым порылыклан, пашалан, келшен илаш туныктат. Ме, Марисола книгагудын пашаенже-влак, ўдыр-рвезе-влакым книгагуд лудаш кумылан денна. Йомак, преданий дене палдарена. Шочмо йылме арням, фольклор шагатым эртарена. Шукерте огыл йоча-влак Онар патыр нерген пален налыч. Тудын талешке улмыжым, калыкым тушман деч аралымыжым произведений гоч почын пуышна. Йомак-влак, сўретым ончен, Онарын виян да патыр улмыжым палемдышт.



А.Б.ШАБДАРОВА.

Шернур район.



Авторын фотогазе

Кочаже – талешке

Оля СПИРИДОНОВА (снимкыште – туныктышо Н.В.Иванова дене пырля) дене «Ший талешке» республикысе конференцийыште палыме лийна. Ёдыр Волжский район Купсола школышто тунемеш. Тудо «А.В.Тимофеев – Кукшәнер ялын чолга эргыже» шымлымаш пашам возен да кокымшо верыш лектын.

– Уста серызе Алексей Тимофеев – мыйын кочам. Мый илыш корныжым келгын шымленам. Кочам инженер-экономистлан, Марий радиошто тўн редакторлан да моло вере пашам ыштен. Алексей Васильевич ятыр сылне произведенийым возен. Мый «Шем курныж» да «Койдымо фронт» романже-влакым лончыленам. Икымше романыште совет разведчик-влакын Кугу Ачамланде сарыште кредалмышт нерген ойлалтеш. Произведенийын геройышт-влак дене умбакыже мо лиймым «Койдымо фронт» романыште пален налын кертыда. Кочам моткоч талантан лийын. Мый тудым талешкылан шотлем, – ойла чолга ёдыр.

ХАЛЕКСАНДРОВА.

Кружокын пайдаже

Ме «Русская словесность» кружокышко коштына. Тудым руш йылмым да литературым туныктышо Э.А.Егорова вуйлата. Ме «Шёдыр шагат» модыш дене модына. Эвелина Анатольевна руш йылме да литератур дене кылдалтше йодыш-влакым ямдыла. Южгунам ме заданий-влакым ыштена. Мыланна руш серызе-влакын илыш корнышт гыч онай факт-влакым кычалаш келша. Кружокын пайдаже моткоч кугу.

7-ше «А» ден 7-ше «Б» класслаште тунемше-влак. Волжский, Сотнур.

Лўм: Михаил Афанасьевич Булгаков.

Шочын: 1891 ий 15 майыште, Киев олаште.

Тунемын: тўналтыш шинчымашым аваже пуэн. Киев оласе икымше пёрьен гимназийыште тунемын. 1909 ийыште Киевысе университетын медицине факультетышкыже пурен.

Паша: Украинысе Каменец-Подольский, Черновцы, Смоленск олаште врачлан ыштен. 1923 ийыште Всероссийский писатель ушемыш пурен. Москосо Самырык пашазе-влакын рўдó театрыштышт режиссёрлан, Москосо художественный академий театрыште (МХАТ) режиссёрын польшкалышыжлан тыршен. Кугу (Большой) театрыште либреттист да кусарыше лийын.

Произведений-влак: «Собачье сердце» повесть, «Театральный роман», «Белая гвардия», «Мастер и Маргарита» роман-влак, «Иван Васильевич» пьесе, «Похождения Чичикова» поэме да шуко моло.

Онай факт: икымше ойлымашым шым ияш возен. М.Булгаков концертлаш, спектакльлаш пурымо билет-шамычым поген.



Руш писатель М.А.Булгаковын шочмыжлан – 130 ий.

Тест

1. М.А.Булгаковын икымше ойлымашыже.

А) «Похождения Светланы».	В) «Недуг».
Б) «Белый цвет».	Г) «Белая гвардия».
2. «Собачье сердце» повесть икымше гана кунам савыкталтын?

А) 1940 ий.	В) 1994 ий.
Б) 1924 ий.	Г) 1987 ий.
3. «Сабачье сердце» повестын тўн геройжо.

А) Преображенский.	В) Воздвиженский.
Б) Рождественский.	Г) Вознесенский.
4. И.В.Сталин М.Булгаковын кудо пьесыжым МХАТ-ыште шындаш йодын?

А) «Зойкина квартира».	В) «Бег».
Б) «Иван Васильевич».	Г) «Дни Турбиных».

Книга – воштончыш, чїккыдынрак тушко ончал.

Сай книга шїдыр дечат чот волгалтеш.

Калыкмут.



А.Мичурин-Азмекейын «Керем онго» ойлымашыже почеш Екатерина РАССАНОВАН сўретше. Морко, Коркотово.



Еш дене лудына

Петр кугыза пүртүс лонгашке куанен лекте. Йыраваш пүртүсын моторлыкшым шекланьш. Марий кундемнын пүртүсшө, чынак, пеш сылне! Кайык сем чоным куандара, кажнын кумылжым нөлта. Каваште мурышо турийжат капкылым шулдыранда. Сылне семым колын, пундашдыме кавашке чонештымет шуэш. Чонлан тугай ласка! Петр кугызан мोगыржылан куштылгын чучо. Куанымыз дене марла муралтенат колтыш. Тидым чодырашке понго погаш толшо рвезе-влакат кольыч. Карай кундемаште Петр кугызан сайын палат. Тудо кидпашалан пеш мастар, кумылжат поро, койшыжат тыматле. Рвезе-влак тудын деке лишемыч. Шонго нунын толын шогалмыштым шиже гынат, мурыжым мучаш марте йонгалтарыш.

– Могай сылнын муредат! – Костя куанен каласыш.

– Кунамсек муредат, Петр кугызай? – Вачиланат Петр кугызан мурымызже келшыш.

– Мый мураш пеш йоратем, но жапем шагал, – мурен чарнымеке, Петр кугыза вашештыш.

– Тыланда концертыште мураш тўналаш кўлеш, – Вачи куандара.

– Мый калык коклаште мураш вожылам. Муримем нерген Клавий пелашем веле пала, – Петр кугыза шыргыжале.

– Вачи, шижат, марий мурызже моторынак йонга, – Костян кумылжо нўлталте.

– Мураш веле мо, мыйже гармоньымат шоктен моштем, – Петр кугыза шкенжым мокталтенат нале.

– Тидыжым ме палена. Кодшо гана школышко вашлиймашке толында. Тушто шуко тўрлў семым шоктышда. Мурымыздажым таче веле колына, – Вачи пелештыш.

– Петр кугызай, мый гармоньым шокташ тунем кертам мо? – Костя йодо.

– Тый гармоньчо лийнет? – Вачи чытен кертде воштылале.

– Лийнем, – Костя мане да шинчажым шыпак пўяле.

– Чыла раш, – мане Вачи да шыпланыш.

– Кочай, чынжымак, гармоньым шоктен моштышым кундемаштына пагалат, чыла вере тудым йоратен вучат, – Костя мутшым шуйыш.

– Мый мураш тунемнем, – Вачи шыргыжале.

– Кызытсе самырык тукумлан марий мурызже молан? Нуно «современный» манме муретым веле палат. Пеленышт кеч-кушкат телефоным

Петр кугыза

пүртүс лонгашке куанен лекте. Йыраваш пүртүсын моторлыкшым шекланьш. Марий кундемнын пүртүсшө, чынак, пеш сылне! Кайык сем чоным куандара, кажнын кумылжым нөлта. Каваште мурышо турийжат капкылым шулдыранда. Сылне семым колын, пундашдыме кавашке чонештымет шуэш. Чонлан тугай ласка! Петр кугызан могыржылан куштылгын чучо. Куанымыз дене марла муралтенат колтыш. Тидым чодырашке понго погаш толшо рвезе-влакат кольыч. Карай кундемаште Петр кугызан сайын палат. Тудо кидпашалан пеш мастар, кумылжат поро, койшыжат тыматле. Рвезе-влак тудын деке лишемыч. Шонго нунын толын шогалмыштым шиже гынат, мурыжым мучаш марте йонгалтарыш.



Сўретым Интернет гыч налме.

У конкурс
Ўдыр-рвезе-влак, тыланда келшыше жанр дене ойлымашым, йомакым да молымат возен, редакцийышке колтыза. Ойлончысо кажне шомак йонгўк (гласный) але сонгўк (согласный) дене тўналшаш.

Пашада-влакым 3 сентябрь марте колташ лиеш.

Пример шотеш ойлымашым лудаш темлена.

нума-лыт. Марий мурызже

мемнан чоннам куандара, – Петр кугыза торешланен пелештыш.

– Молан чыла рвезе-влак нерген тыге шонедат? Мемнан велне памаш вўдшат вий-куатым пуа, тендан гай мурызон чонанжат кодыныт.

– Вачи, чынжымак мураш тунемнет? – Петр кугызан шинчаже йыл-йыл-йыл йўлаш тўнале.

– Тунемнем, тунемнем, Петр кугызай! – кумылане рвезе.

– Мыят мураш тунемнем, – коклашке Костя пурыш.

– Тугеже пүртүс лонгашке чўчкыдын лекташда верештеш. Пүртүс кажне чонанлан вийым пуа. Тунам шиждеак мураш тунем шуыда. Мурен моштыдымыжат пүртүсышкў лектын мураш тўналеш, – кугызанат кумылжо нўлталте, рвезе-влаклан вашкыде каласкала. Йоча-влак Петр кугызан кузе да

кунам гармоньым шокташ тунеммыж нерген пален налыч. Кўтўштў йышт мураш тунемме нерген каласкалымыжат нунылан сўралын чучо.

Кугызанат, рвезе-влакынат кумылышт кавашке нўлталте. Рвезе-шамыч кажне кечын пүртүс лонгашке лекташ мутым пуышт. Пеленышт

моло-влакымат тарваташ кумылангыч.

Лывырге кумылан Вачи ден Костя погымо понгыштым Петр кугызалан кодышт, шкешт чодыра кўргышкў пурен кайышт.

Кугыза чодыраш толмылан да рвезе-влакым вашлиймылан моткоч куаныш. Ньюга-шамычын тыматле кумылышт тудым мураш веле мо, тавалтен колташат шулдырандыш. Куанымыз дене совыжымат пералтыш.

Кава гыч чевер кече шыргыжале, кажне чонанын кумылжым нўлтале. Шке шокшыжым пўтынь мландылан, пүртўслан, калыклан пуыш.

Рвезе-влак канен шинчыме верышт гыч шукертак торашке шуыныт гынат, кугызан йонгалтарыме сылне семже мўндыркў чодырам шергылтара. Тудын марий мурызже кумыл нўлтышан, весела.

Рвезе-влак канен шинчыме верышт гыч шукертак торашке шуыныт гынат, кугызан йонгалтарыме сылне семже мўндыркў чодырам шергылтара. Тудын марий мурызже кумыл нўлтышан, весела.

Рвезе-влак канен шинчыме верышт гыч шукертак торашке шуыныт гынат, кугызан йонгалтарыме сылне семже мўндыркў чодырам шергылтара. Тудын марий мурызже кумыл нўлтышан, весела.

Н.ИЛЬИНА.

Волжский, Карай.

«Ямде лий» 2021 ий 14 май

2022 ийыште Петр I (1672-1725) шочмыжлан 350 ий темеш. Лумгечым пайремлыме нерген Россий Президент В.В.Путин 2018 ийыште указым луктын.



Рубрикым умбакыже шуена.

Петр шуко пален налаш тыршыше лийын. Чыла ум шинча дене ужаш да у сомыллан тунемаш тыршен. Тыге 12 специальность дене пашам ыштен моштен. Европшто ятыр жапым эртарен. Туштак корабльым чонымо сомыллан тунемын. Европысо элла деч Российын пеш вараш кодмышым умылен, түрлө отрасльым виандымаште йотэл-влакын опытыштылан энгертен. Российыште артиллерий, инженер, медицине да тенгыз академий-влакым почын. Элыштына «Ведомости о военных и иных делах...» икымше газетым Петр I лукташ туналын. Шкежак издатель, редактор да журналист лийын.

Рекламе.

20 май 18:00

МАРИН-МАРАМЪЕ ТЕАТР

МАРИНАВТ-ВЛАК
але
ТЕВЕ КУШТО
ИЛЫШЕТ!
КОМЕДИЙ 12+

КАССЕ 8(8362) 78-13-78 ШКЕТ



3 майыште «Ёлочка» группышто Кечын кечыжым пайремлышна. Ёдыр-рвезе-влак сылне сүретым сүретлышт да, тыртышым пүчкын луктын, тушко кечыйол-влакым пижыктышт.

1922 ий 19 майыште комсомолын черетан сзедыштыже Совет Ушем мучко пионер организацийым ыштыме нерген пунчалым луктын.

И.СЕМЕНОВАН фотожо. Медведево, Новый посёлко.

19 май - Пионерийн кечыже.



1924 ий гыч пионер организаций В.И.Ленинын лумжым нумалын. 1990 ий гыч пионер организацийым йоча ушем-влак алмаштенят. Йошкар-Оласе 14-ше номеран гимназийыште кызытат «Стелла» пионер дружине уло. 19 майыште йоча, кугыев-влакым шке радамшыкышт пуртат. 19 майыште коча-ковадам, ача-авадам Пионерийн кечыже дене саламлаш ида мондо!

20 май - Мүкшын тунямбал кечыже.

Сүретым ончен, мүкшым ыштыза.



«Ямде лий» йоча газет
Тун редактор
Л.Н.ГРИГОРЬЕВА.
Индекс: П4696.
Тираж 1150 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет редакций.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округысyo управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьш пуымо жап – 14-00, фактически – 13-00

Авторын да редакцийын шонымашышт түрлө лийын кертыт. Серыш-влак монтеш огыт колталт. Ак – кутырен келшыме почеш.
Редакцийн да издательын адресше: 424006, Йошкар-Ола, СССР Вооруженный Вийын 70-ше идалыкше урем, 20-шо порт. Тел. 8(8362) 45-22-82(факс)

Кидмастар
улам




Родион МАМАЕВ.
Кужэнер, Йывансола.

Мария СТЕПАНОВА.
Волжский, Пётъял.

Конкурс

Кайык ден янлык-влакын
илиме верыштым муза.



Сүретым чиялтыза.



Сотнур шко-
лышто могай
фамилиян туныктышо-влак пашам ыштымым палыне-
да гын, анаграмме-шамычлан вашмутым кычалза.

лекандр + Ава + с + о = ?

вурСа + о + в + о = ?

вий + ола + М + х = ?


«Русская словесность» кружокын енге-влак.
Волжский район.



Йошкар үпан
эрге-влакым
муза.

Кудо рвезе
уда пашам
ышта?

Фигур-влакым пример почеш
сүретлыза.



Сүретьште мыняр йоча кепкым чиен?

Интернетысе сүрет-влакым кучылтмо.